



agenzia regionale  
per il diritto allo studio  
**Friuli Venezia Giulia**



**A.A. 2022/2023**

## **Bant unic pe assegnazion dai beneficis regjonâi:**

- Borse di studi
- Lozaments
- Contribûts pal lozament – sedis di Puart, Bolzan, Conean e Verone
- Contribûts pe mobilitât internazionâl

Il projet al è finanziât, intal ambit dal PNRR, de Union Europeane, iniziative Next Generation EU, invistiment 1.7 “Borsis di studi pal acès ae universitât” de Mission 4 Componente 1

## CALENDARI DES SCJADINCIS

Par domandâ i beneficis si à di compilâ la domande online inte aree dai servizis dal sît [www.ardis.fvg.it](http://www.ardis.fvg.it) e mandâle **dentri des 13.00** (ore estive taliane/GMT+2/UTC+2/CEST) de zornade di scjadince segnade inte tabelle, daûr des modalitâts dal art. 6.

I tiermins di presentazion de domande online a son **perentoriis**, duncje la compilazion in date seguitive e compuarte **la escluson de domande**.

Il sisteme electronic dai servizis online de ARDiS al certifiche la date e la ore precise de spedizion de domande.

<b>Benefici</b>	<b>Compilazion domande online</b>	<b>Publicazion graduatorie provisorie (date indicative)</b>
<b>Lozaments</b>	Agnis seguitîfs	ai 10 di Avost dal 2022
	Matriculis	ai 14 di Setembar dal 2022
	Students cun dome il requisît di iscrizion dome sede di Glemone	ai 26 di Setembar dal 2022
<b>Borse di studi</b>	ai 28 di Setembar dal 2022	ai 31 di Otubar dal 2022
<b>Contribûts pai lozaments (sedis di Puart, Bolzan, Conean e Verone)</b>	ai 28 di Setembar dal 2022	ai 3 di Fevrâr dal 2023
<b>Contribûts pe mobilitât internazionâl</b>	ai 6 di Avrîl dal 2023	ai 11 di Mai dal 2023
<b>Comunicazion dai dâts dal contrat a paiament</b>	ai 18 di Otubar dal 2022	-
<b>Domande di riduzion des tassis universitariis – sede di Udin</b>	ai 5 di Otubar dal 2022	-

## **Beneficis a concors (art. 1)**

La ARDiS e met a concors chescj beneficis:

- Borsis di studi;
- Lozaments;
- Contribûts pai lozaments - sedis di Puart, Bolzan, Conean e Verone;
- Contribûts pe mobilitât internazionâl.

## **Destinataris dai beneficis (art. 2)**

A son destinataris dai beneficis:

– i students de Universitât dai Studis di Triest e de Universitât dal Friûl iscrits pal a.a. 2022/2023 a cors di:

- lauree trienâl,
- lauree magjistrâl,
- lauree magjistrâl a cicli unic,
- specializazion, fûr che chei de aree mediche ativâts su la fonde de normative in vore in materie,
- dottorât di ricercje, che no gjoldin de borse di studi su la fonde dal DM dai 30 di Avrîl dal 1999, n. 224;

– i students dai Conservatoris di Musiche “G. Tartini” di Triest e “J. Tomadini” di Udin iscrits pal a.a. 2022/2023 a:

- cors dal Trieni superiôr di I nivel,
- cors dal Bieni specialistic di II nivel;

– i students iscrits pal a.a. 2022/2023 al diplome academic di prin nivel in “Graphic Design pe imprese”, “Piture” e “Architettura di internis e design” de Academie di Bielis Arts “G.B. Tiepolo” di Udin;

– i students che a son daûr a laureâsi iscrits al ultin an di cors regolâr intal a.a. 2021/2022 che a otegnin il titul di studi dentri des sessions dal stes an academic, dopo dai 28 di Setembar dal 2022;

No puedin acedi ai beneficis metûts in concors i students iscrits a cors singui, a percors par acedi ai concors pal insegnament, a cors di perfezionament, a cors di specializazion pe ativitât di supuart didatic ai students cun disabilitâts e a masters.

## **Durade di amissibilitât ai beneficis (art. 3)**

I beneficis metûts a concors a vegnin concedûts pal **otigniment pe prime volte dal titul par ognidun dai nivei di lauree**.

La anzianitât universitarie e ven calcolade tacant dal an di prime imatricolazione al sisteme universitari cence tignî cont di cualsisedi passaç di cors, fûr che pai students cun percentuâl di invaliditât dal 66% insù, che par lôr al è pussibil rinunziâ ai studis al massim par trê voltis.

La anzianitât universitarie e ven anulade par une sole volte tal câs di:

- rinunzie irevocabile ai studis fate tal prin an, cence il ricognossiment di esams;
- iscrizion a cors cun acès programât dopo di un passaç di cors, di rinunzie o di un trasferiment di un altri ateneu fat ae fin dal prin an di cors.

Pal cont de anzianitât universitarie si sumin i agns di iscrizion ai masters se al è stât domandât il ricognossiment di credits.

I students a puedin acedi ai beneficis fin al prin an fûr cors (semestri seguitîf). L'impuart de borse di studi par chest semestri in plui al è dismiezât.

I students iscrits ai cors di specializazion - fûr che chei de aree mediche ativâts su la fonde de normative in vore in materie - e ai cors di dottorât di ricerçe che no si zovin de borse di studi daûr dal DM dai 30 di Avrîl dal 1999, n. 224, a puedin acedi ai beneficis par un **periodi di timp ecivalent ae durade previodude dai rispetîfs ordenaments didactics**, tacant dal an academic di prime iscrizion. No son previodûts beneficis par agns academics in plui de durade legâl dal cors.

Intal câs di students che a vedin il titul di laurea trienâl in “Comunicazion interlinguistiche aplicade aes professions juridichis” e in “Dirit pes impresis e pes istituzions” che si notin tal cors di laurea magjistrâl a cicli unic in Jurisprudence cun scurtadure di carriere, al ven gjavât un an de anzianitât universitarie.

A son lassâts fûr dal calcul de anzianitât universitarie i agns di iscrizion a cors singui che nol sedi stât domandât il ricognossiment dai credits otignûts dilunc di chescj cors, o ben che no sedin stâts declarâts pes finalitâts dal otigniment dal recuisît di merit, e ancje i agns di interuzion universitarie tant che specificâts tal articul 9, comis 4 e 5, dal decret legislatîf 68/2012.

## **Recuisîts pe amission ai beneficis (art. 4)**

### **1. Recuisît di iscrizion**

La iscrizion aes Universitâts, Conservatoris e Academie e à di jessi fate **dentri dai tiermins** previodûts des singulis Istituzions.

Si pues presentâ domande ancje se no si è ancjemò iscrits (art. 6.1).

Pai students che a domandin i beneficis pal semestri seguitîf (laureants), il recuisît di iscrizion al è sodisfat se a son stâts iscrits regolarmente al ultin an di cors intal a.a. 2021/2022 e se a otegnin il titul dentri de session straordinaria dal stes an academic, o se si notin intal a.a. 2022/2023 al prin an fûr di cors, dentri dai tiermins previodûts di ogni istituzion.

I laureants no puedin otignî la borse di studi se:

- a otegnin il titul prin dai 28 di Setembar dal 2022;
- a otegnin il titul di laurea intune session dal a.a. 2021/2022 e a van indevant cui studis pal a.a. 2022/2023 intun Ateneu, intun Conservatori o intune Istituzion fûr de region Friûl-Vignesie Julie (gjavant i Masters).

## 2. Recuisît di merit

Il merit al è calculât su la base dai credits formatîfs universitaris (CFU) registrâts in maniere regolâr, o equivalentis.

**No vegnin cjapâts in considerazion i credits:**

- **acuisîts prime de iscrizion al propri cors di laurea.**

Intai câs di ricognossiment di credits (trasferiment di un altri Ateneu, passaç di cors di laurea o scurtadure de carriere), si ten cont dai agns di iscrizion universitarie intal calcul de anzianitât;

- **che a derivin di ats di carriere sostignûts par mendâ debits formatîfs di carieris precedentis;**

- **che a derivin di ats di carriere relatîfs a cors singui** che par chei nol sedi stât domandât il ricognossiment dai credits otignûts in chescj cors o, ancje se ricognossûts, che no sedin stâts declarâts pes finalitâts dal otigniment dai requisîts di merit;

- **che a derivin di ats di carriere relatîfs a ativitâts didatichis sorennumerariis;**

- **che a derivin di modui di esams integrâts**, che no vegnin registrâts in maniere regolâr inte carriere sul sisteme Esse3 fin al completament dal exam integrât.

## Students iscritti al prin an

I students beneficiaris tant che matriculis di une borse di studi o di altris beneficis monetaris **a àn di otignî il requisît di merit di 20 CFU (o 10 CFU se iscritti a cors di laurea cun dome esams anuâi) registrâts regolarmente** sul sisteme Esse3, o intes basis di dâts dai Conservatoris e de Academie, **cun date di superament dai esams no dopo dai 10 di Avost dal 2023, par otignî dut l'impuart de borse di studi.**

Se i credits si otegnin **dopo dai 10 di Avost dal 2023 ma prime dai 30 di Novembar dal 2023, l'impuart de borse di studi al vignarà dismiezât.**

Pes finalitâts di otigniment dai credits che a coventin pal paiament de borse di studi, no son calculâts valits i credits tal câs ricognossûts dopo di rinunzie, passaç o trasferiment e nol pues jessi doprât il

bonus dal paragraf 4.2.3.

Se no si otegnin i credits previodûts dentri dai 30 di Novembar dal 2023, e ven revocade la borse di studi e chei altris beneficis monetaris (art. 24).

## Students iscritti a agns dopo dal prin

I students iscritti ai agns seguitîfs, par podê concori ae assegnazion dai beneficis, a àn za di vê **il requisît di merit** dentri dai **10 di Avost dal 2022**:

A.A. di prime imatricolazion	21/22	20/21	19/20	18/19	17/18	Semestri seguitîf
An di iscrizion tal a.a. 2022/23	2 <sup>t</sup>	3 <sup>c</sup>	4 <sup>t</sup>	5 <sup>t</sup>	6 <sup>t</sup>	
	Numar di credits complessîfs di vê, tacant dal an di prime imatricolazion					
<b>Lauree trienâl Trieni superiôr di I nivel (Conservatori)</b>	25 CFU	80 CFU	-	-	-	135 CFU
<b>Lauree magjistrâl * Bieni specialistic di II nivel (Conservatori) *</b>	30* CFU	-	-	-	-	80* CFU
<b>Lauree magjistrâl a cicli unic</b>	25 CFU	80 CFU	135 CFU	190 CFU	245 CFU	+55** CFU

\* I credits segnâts pe lauree magjistrâl e pal bieni specialistic di II nivel si intindin acuisîts dai students dome intal percors magjistrâl o specialistic.

\*\* Di sumâ al ultin an di cors.

Atenzion: tal câs di rinunziis/trasferiments/passaçs di cors cun ricognossiment di credits, la anzianitât universitarie e incît sul requisît di merit.

Pai cors dai Conservatoris e de Academie, invezit che CFU si à di lei CFA.

**I credits, indicâts inte tabelle, a àn di jessi regjistrâts regolarmentri** sul sisteme Esse3 o intes basis di dâts dai Conservatoris e de Academie **cun date di superament dai esams dentri dai 10 di Avost dal 2022**.

I students a àn di declarâ inte domande online, sot de lôr responsabilitât, il numar di credits che a risultin regjistrâts in maniere regolâr in cariere (sul sisteme Esse3 des Universitâts o inte base di dâts dai Conservatoris), lassant fûr i credits che no son valits par otignî i requisîts di merit.

I students dai agns seguitîfs, par rivâ al merit domandât, a puedin doprâ CFU BONUS, madurîts su la fonde dal an di cors za frequentât.

## CFU BONUS:

- **fin a 5 credits**, se doprât pe prime volte pai beneficis dal secont an academic;
- **fin a 12 credits**, se doprât pe prime volte pai beneficis dal tierç an academic;
- **fin a 15 credits**, se doprât pe prime volte pai beneficis dai agns academics seguitîfs.

La **ativazion dal bonus** e pues jessi **fate inte domande online. Il bonus al pues jessi ativât dome une volte e nol pues fâ cumul**. La cuote dal bonus no doprade intal an academic di ativazion e pues jessi doprade in chei seguitîfs.

La ativazion dal bonus e pues jessi fate inte domande online. La ARDiS e verificarà i credits bonus efetîfs a disposizion e ju aplicarà di ufici, se a coventin par otignî il requisît di merit.

I students a puedin verificâ l'ûs dal bonus lant tal propri fassicul electronic e controlant la posizion intes graduatoriis dai diviers beneficis domandâts.

Il student al à di declarâ la eventuâl fruizion di credits bonus in altris Universitâts tes carieris precedentis.

Tal câs che a sedin stâts domandâts credits bonus intai agns academics prime dal a.a. 2022/2023, chescj no vegnin contâts pes finalitâts di otigniment dal requisît minim di merit previodût di chest bant.

I credits bonus no puedin jessi doprâts par rivâ al requisît di merit dal prin an (sedi di lauree trienâl che di lauree magjistrâl).

### **Students iscritti ai corsi di dottorât di ricercje e di specializazion**

I students iscritti ai corsi di specializazion - gjavant chei de aree mediche ativâts su la base de normative in vore in materie - e ai corsi di dottorât di ricercje che no beneficiin de borse di studi des Universitâts su la fonde dal DM dai 30 di Avrîl dal 1999, n. 224, a àn di vê lis carateristichis previodudis di chês stessis pe iscrizion regolâr al an academic in cors.

### **3. Requisît di redit e di patrimoni**

Chest requisît al è individuât su la fonde dal Indicadôr de Situazion Economiche Ecuivalente (**ISEE**) **pes prestazions agjevoladis pal dirit al studi universitari**, relatîf ai redits dal 2020 e ae situazion patrimoniâl dal 2020.

Intal specific:

– l'Indicadôr de Situazion Economiche Ecuivalente (ISEE) pes prestazions agjevoladis pal dirit al studi universitari nol à di passâ il limit di **€ 24.335,11**;

– l'Indicadôr de Situazion Patrimoniâl Ecuivalente (ISPE = ISP/scjale di ecuivalence) nol à di passâ il limit di € 52.902,43.

Si àn di vê **chestis dôs cundizions intal stes timp.**

I students, par dimostrâ di vê il requisît di redit e di patrimoni, se:

a) comunitaris e no comunitaris, residents in Italie, cuntun nucli familiâr resident in Italie che al vedi prodot redits e che al vedi patrimoni in Italie e/o tal forest, a àn di lâ intun cualsisei CAF par presentâ i documents che a coventin par otignî la atestazion ISEE pes prestazions agjevoladis pal drit al studi universitari relative al redit dal 2020 e ae situazion patrimoniâl dal 2020, e compilâ la relative DSU (Declarazion sostitutive uniche);

b) comunitaris e no comunitaris, residents in Italie, cuntun nucli familiâr resident tal forest e/o cun redits e patrimoni produsûts o possedûts tal forest, a àn dut câs di declarâ i eventuâi redits e patrimoni possedûts dal propri nucli familiâr in Italie, daûr des modalitâts previodudis di chest bant. Par chest, a àn di lâ intun cualsisedi CAF par presentâ i documents che a coventin par otignî la atestazion ISEE pes prestazions agjevoladis pal drit al studi universitari relative ai redits dal 2020 e ae situazion patrimoniâl dal 2020, che e atesti redits e patrimoni in Italie, e po dopo lâ li di un CAF convenzionât pe emission dal ISEE universitari parificât (Schede dâts par Indicadôr parificât universitari). La emission de documentazion e je gratuite. I oraris e lis direzions dai CAF convenzionâts a son publicâts sul sît [www.ardis.fvg.it](http://www.ardis.fvg.it);

c) comunitaris e no comunitaris, no residents in Italie, cuntun nucli familiâr che al è a stâ tal forest, a àn di indreçâsi dome ai CAF convenzionâts pe consegne dal ISEE universitari parificât (Schede dâts par Indicadôr parificât universitari). La emission de documentazion e je gratuite. Lis direzions dai CAF convenzionâts a son publicadis sul sît [www.ardis.fvg.it](http://www.ardis.fvg.it);

d) ricognossûts tant che rifugjâts politics in Italie, a àn di zontâ la certificazion furnide dal Ministeri dai Internis; i students apolits a àn di zontâ la copie autenticade de documentazion dade dal Tribunâl Civîl. Par chestis categoriis di students si ten cont dome dai redits percepîts in Italie e dal patrimoni che in câs a vedin in Italie;

e) che a vegnin dai Paîs daûr a svilupâsi, su la fonde dal DM dai 8 di Avrîl dal 2022 n. 344 “Definizion de liste dai Paîs une vore puars pal a.a. 2021/2022” e elencâts inte zonte 2, a àn di presentâ la valutazion de cundizion economiche, fate su la base di une certificazion de Rapresentance dal Stât talian intal Paîs di divignince, che e atesti che il student nol è di une famee ricognossude di redit alt e di un nivel sociâl alt.

Pai students che si notin tal prin an, cheste certificazion e pues jessi furnide di ents talians abilitâts ae prestazion di garanzie di cuviertidure economiche, daûr des disposizions in materie di imatricolazion dai students forescj intes universitâts talianis. In chest câs, l'ent di garanzie si impegne – tal câs di revoche - ae eventuâl restituzion de borse par cont dal student.

I oraris e lis direzions dai CAF convenzionâts a son publicâts sul sît [www.ardis.fvg.it](http://www.ardis.fvg.it).

La emission de documentazion e je gratuite.



I students duncje a àn di vê, dentry dal tiermin pe compilazion de domande online par ogni benefici, il numar di protocol de atestazion ISEE o almancul il numar de declarazion sostitutive uniche (DSU).

Il student al à di meti inte domande online il numar di protocol INPS de atestazion ISEE pes prestazions agjevoladis pal dirit al studi universitari a lui riferide; su la base di chest numar, ARDIS e estrai in maniere automatizade de bancje dôts INPS i dôts relatîfs ae atestazion ISEE

I students specificâts tes letaris precedentis **b), c) e e)** a àn di declarâ inte domande online di vê otignût l'ISEE universitari parificât dentry dai tiermins pe compilazion de domande online par ogni benefici. I CAF convenzionâts a mandaran ae ARDIS i riscuintris informatics. I students interessâts no àn di inserî nissun numar di protocol inte domande online.

Pe domande dai beneficiis di chest bant **e je valide dome la atestazion ISEE pes prestazions agjevoladis pal dirit al studi universitari riferide al student che al fâs domande. No je valide la atestazion cun ISEE ordenari, ancje se riferide al student che al fâs domande.**

I students iscris ai cors di dottorât (residents o no residents in Italie) a puedin sielzi, pal acès ai beneficiis, une divierse costituzion dal nucli familiâr, in aplicazion dal articol 8, come 4 dal DPCM n. 159/2013 e modificazions e integrazions seguitivis.

I students che a àn un **ISEE in cors di validitât**, invezit che un ISEE pes prestazions agjevoladis pal dirit al studi universitari, a àn di segnalâlu dome ae direzion [info.trieste@ardis.fvg.it](mailto:info.trieste@ardis.fvg.it) e [info.udine@ardis.fvg.it](mailto:info.udine@ardis.fvg.it) dentry dai tiermins previodûts pe presentazion de domande online par ogni benefici.

L'ISEE corint al à validitât di sîs mê, duncje la atestazion e varà di risultâ ancjemò valide te date di presentazion de domande par ogni benefici.

## **Students independents de famee di origjin**

I students a son considerâts independents de famee di divignince se a àn **duj i doi** chescj recuisîts:

1. **residence**, che e risulte de evidence anagrafiche, fûr de unitât abitative de famee di divignince, fissade di almancul doi agns de date di prime presentazion de domande di iscrizion a ogni cors di studis intun lozament che nol sedi di proprietât di un component dal nucli familiâr di origjin;
2. **presence di une capacitât di redit adeguate**, costituide di redits di lavôr dipendent o assimilâts declarâts al fisc di almancul doi agns par no mancul di € 9.000,00 anuâi, cun riferiment a un nucli familiâr di une persone.

In chest câs, i students a puedin presentâ un ISEE pes prestazions agjevoladis pal dirit al studi universitari considerant se stes tant che un nucli.

Pe cuantificazion dal impuart de borse di studi, par chescj students al ven ricognossût il stes tratament dai students cul status di **fûr di sede**.

## **Students cun disabilitâts (art. 5)**

Intal bant a son previodudis cundizions agjevoladis pai students cun disabilitâts, su la fonde dal art. 3, come 1, de leç dai 5 di Fevrâr dal 1992, n. 104, o cun invaliditât dal 66% insù.

## **Modalitâts di presentazion de domande online (art. 6)**

I students che a àn i requisîts specificâts a àn di compilâ la domande online (acedint ai servizis online dal sît [www.ardis.fvg.it](http://www.ardis.fvg.it)) e mandâle **dentri des 13.00** (ore estive taliane/GMT+2/UTC+2/CEST) **de zornade indicade intal calendari des scjadincis**. Il sisteme electronic al certifiche la date e la ore precise de spedizion de domande.

### **CREDENZIÂLS PAR ACEDI AE DOMANDE ONLINE**

Par compilâ la domande online sul sît ARDIS, i students a àn di identificâsi cun SPID, sisteme public di identitât digjitâl (viôt [www.spid.gov.it](http://www.spid.gov.it)), cun CIE (cjarte di identitât electroniche), o eIDAS dome pai students comunitaris.

I students no talians, che a àn dome un document di identitât dât fûr des autoritâts dal lôr Paîs, e che no son residents in Italie, e i students minôrs (talians e forescj) a àn di identificâsi cun chestis modalitâts:

– **pe sede ARDiS di Triest**, cun **registrazion online sul sît Esse3** pai students che si iscrivin te Universitât di Triest (lis credenziâls a son ativis dentri di 24 oris de registrazion, se no i students a àn di contatâ la sede ARDiS di Triest) o cun **registrazion online sul sît de ARDiS** pai students che si iscrivin al Conservatori;

– **pe sede ARDiS di Udin**, cun **registrazion online sul sît de ARDiS** (se no son ancjemò imatrolâts te Universitât o se a son iscrits al Conservatori, o ae Academie) o doprant **lis credenziâls (matricule e password) furnidis de Universitât dal Friûl**, se a son za imatrolâts in chest Ateneu.

**La domande online e je uniche:** i students che a vuelin domandâ plui beneficis a àn di inviâ la domande dome une volte, selezionant i beneficis che ur interessin. La domande online riferide a plui beneficis e à di jessi presentade dentri de scjadince dal prin tiermin previodût pai beneficis domandâts.

Par compilâ la domande online, i students, dopo jessi jentrâts inte aree personâl, a àn di:

1. inserî o modificâ i dâts anagrafics e cjamâ la copie di un document di identitât valit;
2. inserî o modificâ lis informazions su iscrizion, merit e situazion economiche;
3. selezionâ i beneficis domandâts;

4. controlâ il sunt de domande cun dentri i dâts inserîts, che si podaran modificâ fin a quant che no si invie la domande online;

5. inviâ la domande online, cun conferme dai dâts inserîts. Dome dopo de spedizion, i dâts metûts dentri a deventin definitîfs.

Ducj i dâts inserîts dai students a son declarâts su la fonde dal DPR 445/2000, duncje i students a son responsabii de lôr veretât e completece.

La ciertece e la coretece de spedizion de domande online si à dome cuant che si ricêf il messaç di pueste eletroniche automatiche di conferme, che al ven gjenerât in maniere automatiche dal sisteme.

No saran calcoladis validis lis domandis presentadis:

- dopo dai tiermins segnâts intal calendari des scjadincis;
- cun modalitâts diversis di chês previodudis in chest bant.

Si puedin domandâ retifichis di dâts inserîts vie messaç di pueste eletroniche ae direzion [info.trieste@ardis.fvg.it](mailto:info.trieste@ardis.fvg.it) o [info.udine@ardis.fvg.it](mailto:info.udine@ardis.fvg.it) dentri dal tiermin di presentazion de domande online in relazion ai beneficis domandâts.

Daûr de L. 241/1990 e de L.R. 7/2000, l'inviament dal procediment al è publicât sul sît web istituzionâl di ARDIS [www.ardis.fvg.it](http://www.ardis.fvg.it), inte sezion dedicate al Bant unic, e cheste publicazion e costituîs comunicazion individuâl dal inviâsi dal procediment.

## **Students no comunitaris - altre documentazion**

I students no comunitaris a àn ancje di:

- vê za, o vê domandade la consegne o il rinovament, dal permès di permanence;
- zontâ ae domande online, dentri dai tiermins, la certificazion furnide dal Ministeri dai Internis se a son students ricognossûts tant che **rifugjâts politics** in Italie;
- zontâ ae domande online, dentri dai tiermins, la copie autenticade de documentazion dade fûr dal Tribunâl Civîl, se a son **students apolits**;
- zontâ ae domande online, dentri dai tiermins, la certificazion de Rapresentance dal Stât talian intal Paîs di divignince che e certifichi che no son di une famee ricognossude di redit alt e di nivel sociâl alt, se a son **students citadins di Paîs daûr a svilupâsi** (v. liste de Zonte 2).

## **Students no ancjemò imatricolâts**

I students no ancjemò imatricolâts a àn di presentâ la domande online, cun riserve di iscrizion, tal rispiet des scjadincis previodudis dal bant.

La iscrizion e varà in ogni câs di jessi fate dentri dai tiermins previodûts des singulis Istituzions (Universitâts, Conservatoris).

## **Graduatorie (art. 8)**

I students a puedin verificâ il risultât des graduatoris doprant i servizis online dal sît ARDIS, midiant de funzion "**Sportel student**".

## **Decjadence e escluson dai beneficis (art. 11)**

La decjadence dai beneficis e je previodude pai students:

- iscrits pe prime volte al prin an dai cors di lauree trienâl, di lauree magjistrâl, di lauree magjistrâl a cicli unic, dai Conservatoris e de Academie, che dentri dai 30 di Novembar dal 2023 no vedin otignût almancul 20 credits (o almancul 9 credits se students cun disabilitâts, su la fonde dal art. 5);
- iscrits pe prime volte al prin an di cors cun esams dome anuâi, che dentri dai 30 di Novembar dal 2023 no vedin otignût almancul 10 credits;
- che a risultin vê une anzianitât universitarie che e va di là dal timp di amissibilitât ai beneficis;
- che a vedin un titul di studi dal stes nivel o superiôr, ancje se otignût tal forest;
- che si trasferissin intune altre sede universitarie o che a rinunziin ai studis pal a.a. 2021/2022 prime dal prin di Lui dal 2023;
- che a declarin o che a vedin declarât il fals intai agns passâts;
- che no si sedin iscrits al an academic di riferiment dentri dai tiermins previodûts des Universitâts, dai Conservatoris e de Academie;
- iscrits a cors di specializazion, fôr che chei de aree mediche ativâts su la fonde de normative in vore su la materie, par un timp superiôr ae durade previodude dai ordenaments didatics tacant dal an di prime iscrizion;
- iscrits a cors di dottorât di ricercje, che no beneficiin de borse di studi su la fonde dal DM dai 30 di Avrîl dal 1999, n. 224, par un timp superiôr ae durade previodude dai ordenaments didatics respetîfs, tacant dal an di prime iscrizion;

Cun di plui, a son escludûts dai beneficis i students che no vedin sierade la pratiche online pe domande dai beneficis in dutis lis sôs modalitâts e proceduris, dentri des scjadincis previodudis.

Dome pal benefici de borse di studi, a son escludûts i students che a sedin beneficiaris di altris borsis di studi di impuart plui alt di € 1.500,00 (v. art. 23 di chest bant).

Par no lâ in decjadence, i students che si cjatin intun o plui dai câs indicâts, a àn di dâ comunicazion imediade ae ARDiS, cun rinunzie al benefici assegnât, e/o a àn di tornâ indaûr i bêçs cjapâts ancje se no dovûts, o rimborsâ il cost dai servizis gjoldûts.

ARDIS, in ogni câs, e procederà a escludi dai beneficiis chei che a fasin domande che si cjatin intun o plui dai câs segnâts ca parsore, su la base des informazions che e vignarà a cognossince.

## **Informative sul tratament dai dâts personâi daûr dal Regolament UE 2016/679 (art. 12)**

Titulâr dal tratament dai dâts personâi e je la Agenzie regionâl pal dirit al studi - ARDIS, inte persone dal Diretôr gjenerâl (tel. +39 040 3595326/328 pueste eletroniche: [direzione@ardis.fvg.it](mailto:direzione@ardis.fvg.it) , PEC: [ardis@certregione.fvg.it](mailto:ardis@certregione.fvg.it) ).

Il Responsabil de protezion dai dâts personâi (RPD) al à chescj riferiments: Salita Monte Valerio 3, 34127 Triest, pueste eletroniche: [direzione@ardis.fvg.it](mailto:direzione@ardis.fvg.it) - PEC: [ardis@certregione.fvg.it](mailto:ardis@certregione.fvg.it)

Il Responsabil dal tratament dai dâts personâi al è Insiel S.p.A. – vie San Francesco d’Assisi 43 - Triest – tel. +39 040 3737111 – pueste eletroniche: [privacy@insiel.it](mailto:privacy@insiel.it)

Il sub responsabil dal tratament dai dâts personâi (nomenât di Insiel S.p.A.) al è In4matic, vie Breventano 12 Pavia (PV)- 27100.

I dâts comunicâts (par esempi, non, cognon, lûc e date di nassite, codiç fiscâl, direzion private complete, telefon e messaç di pueste eletroniche di contat, details dal document di identitât, riferiments bancjaris e di paiament) a vegnin doprâts pe ativitât di ARDIS in aplicazion de leç regionâl dai 14 di Novembar dal 2014, n. 21 “Normis in materie di dirit al studi universitari” e a saran tratâts pes finalitâts dal acès ai beneficiis di chest Bant.

Il tratament dai dâts personâi al è fat cun struments manuâi, informatics e telematics cun logjichis coreladis a strent ae finalitât parsore evidenziade e dut câs in mût di garantî la sigurece e la riservatece dai stes dâts.

Il Titulâr al conserve i dâts personâi comunicâts par no plui di 10 agns, almancul che no sedin altris oblics di leç.

Ai dâts personâi a puedin acedi i dipendents e i colaboradôrs dal Titulâr, dal Responsabil e dal Sub responsabil daûr dai principis di coretece, liceitât, trasparenca, pertinence e no in soreplui a pet des finalitâts di racuelte e di tratament sucessîf. Lis personis che a tratin i dâts dai utents a son vincoladis, in plui che al rispjet des normis di setôr su la privacy, al segret di ufici.

Il Titulâr al comuniche, su domande, i dâts personâi a Organisims di vigjilance e Autoritâts publichis, e ancje ai sogjets che la comunicazion e je dovude pal compiment des finalitâts istituzionâls di ARDIS.

Cence dibisugne dal consens, ARDIS e à dirit di vê i dâts personâi di tierçs sogjets che a colaborin pai fins istituzionâi de stesse ARDIS.

I dâts personâi a puedin jessi publicâts dome par sodisfâ lis esigjencis de aministrazion trasparente regoladis de leç.

Il conferiment dai dâts personâi al è obligatori par otignî la concession e la erogazion dai beneficiis di chest Bant.

Nol è previodût il trasferiment dai dâts tal forest.

L'interessât al gjolt dai dirits dal Regolamento UE 2016/679, e tra chei al è il dirit di acès ai dâts che lu rivuardin, la lôr retifiche o la cancelazion, o la limitazion dal lôr tratament, o di oponisi al lôr tratament, di là dal dirit ae puartabilitât dai dâts; l'interessât al gjolt ancje dal dirit di proponi reclam al Garant pe protezion dai dâts personâi.

In cualsisedi moment, l'interessât al pues esercitâ i siei dirits scrivint al Titulâr dal tratament:

a) vie messaç di pueste eletroniche a [direzione@ardis.fvg.it](mailto:direzione@ardis.fvg.it)

b) vie pec a [ardis@certregione.fvg.it](mailto:ardis@certregione.fvg.it)

## **BORSE DI STUDI – SCJADINCE AI 28 DI SETEMBAR DAL 2022**

### **Status dai students: in sede, pendolâr e fûr di sede (art. 15)**

Il comun di residence dai students e la distance de sede dal cors di studis a concorin a determinâ il status dai students beneficiaris, te cuantificazion dal impuart des borsis di studi, cun chestis modalitâts.

## **Students comunitaris**

Pai students comunitaris il status dai students in sede, pendolârs o fûr di sede, pes finalitâts di chest concurs, e je definide inte zonte 1. **Par risultâ beneficiaris de borse di studi tant che fûr di sede, i students a àn in ogni câs di rispietâ ce che al è previodût dal articol 15.3.**

## **Students no comunitaris**

I students no comunitaris a son considerâts tant che **fûr di sede in maniere indipendente de lôr residence in Italie**. A fasin ecezion i students cuntun nucli familiâr che al sedi a stâ in Italie, o i students forescj che a costituissin in Italie un nucli familiâr autonom e diviers di chel di origjin: in chescj câs si cjape in considerazion la residence in Italie. **I students no comunitaris, a ogni mût, par jessi ricognossûts tant che students fûr di sede, a àn di lâ daûr di ce che al previôt l'articol 15.3.**

## **Status di fûr di sede (art. 15.3)**

A son definîts “fûr di sede” i students residents intai comuns calcolâts fûr di sede inte zonte 1 e che a cjapin lozament dongje de sede universitarie (o ben intai comuns calcolâts in sede in relacion ae sede didattiche dal cors) doprant, a titul onerôs, lis struturis residenziâls di ARDIS o altris lozaments di privâts o ents par no mancul di 10 mêis (contâts intal periodi cjapât dentri tra il prin di Setembar dal 2022 e i 31 di Avost dal 2023, e pes Cjasis dal Student intal periodi massim di assegnazion).

Il limit di 10 mêis al è ridusût a 6 mêis pai students laureants dal ultin an di cors cu la cualifiche di regolâr, che a vuelin sostignî l'esam gjenerâl di laurea dentri dal ultin apel previodût pal a.a. 2021/2022 se a son a stâ tes Cjasis dal Student de ARDIS.

I students che no àn podût compilâ la part de domande online sul contrat di locazion, parcè che no àn ducj i dâts domandâts, a àn di declarâ online inte sezion dedicate “dâts dal contrat di locazion”, **dentri des 13.00 dai 18 di Otubar dal 2022**, l'ûs dal lozament a titul onerôs par almancul 10 mêis, segnant la direzion, il canul di locazion mensîl, la durade dal contrat, la scjadince e i estremis de regjistrazion li de Agenzie des Jentradis.

La sezion “dâts dal contrat di locazion” si podarà compilâ in maniere indicative dal prin di Otubar dal 2022 e fin aes 13.00 dai 18 di Otubar dal 2022.

No àn di presentâ la declarazion sul lozament a titul onerôs i students assegnataris che a varan cjapât possès in maniere regolâr dal lozament intes struturis metudis a disposizion de ARDiS pal a.a. 2022/2023.

**Se dentri des 13.00 dai 18 di Otubar dal 2022 no risultin cjamâts online ducj i dâts dal contrat di locazion, chei che a fasin domande, ancje se residents in comuns calcolâts fûr di sede, a concorin ae borse di studi tant che “pendolârs”.**

**I students, par jessi calculâts fûr di sede, a àn di vê un contrat di locazion sotscriet in maniere regolâr e registrât dentri dai 18 di Otubar dal 2022, riferît a un imobil logât in Italie, dongje de sede universitarie li che si ten il cors di studi.** Il contrat di locazion al à di jessi intestât o cointestât al student o a un component dal nucli familiâr o, pai students domiciliâts in convits e coleçs universitaris publics o privâts, si à di vê une certificazion valide di un pont di viste fiscâl in merit al paiament dal canul di locazion, e comunicâlu dentri dal tiermin e cu lis modalitâts segnadis parsore.

Il contrat di locazion nol à di riferîsi a un imobil di proprietât di un component dal nucli familiâr dal student che al fâs domande pe borse di studi.

Il canul mensîl dovût dai students, al net des spesis pes utencis, nol pues jessi mancul di € 120,00.

## **Impuarts (art. 16)**

L'impuart des borsis di studi è stât inzornât cul DM 1320/2021 e culi sot si ripuartin lis cifris massimis des borsis di studi:

- € 6.157,74 pai students fûr di sede e pai students independents;
- € 3.598,51 pai students pendolârs;
- € 2.481,75 pai students in sede.

A son previodudis cun di plui chestis casistichis:

1. Pai students piû svantazâts dal pont di viste economic - definîts tant che students cun indicadôr ISEE plui bas o compagn de metât (€ 12.167,55) dal limit massim di riferiment (€ 24.335,11) - l'impuart de borse di studi al è inressût dal 15%.
2. Pes studentis iscritis ai cors di studi in materiis S.T.E.M., l'impuart de borse di studi al è inressût dal 20%. Chest impuart no si pues cumulâ cu la inressite dal 15% previodude pai students cun nivei ISEE plui bas dal 50% dal limit massim di riferiment.
3. Il DM 1320/2021 al previôt che al student iscrit intal stes moment a plui cors di studi i è consintût otignî e mantignî la borse di studi, inressude dal 20%, se al è in possès e se al manten lis carateristichis di merit previodudis di chest bant par ducj i doi i cors di studi e par dut il timp che chei a durin. La inressite dal 20% no je dovude intal câs che il student al pierdi lis carateristichis pe borse di studi cun riferiment al cors di studi che a chel il student al à corelât chê inressite.

Ai students laureants (semestri seguitîf) e ai students iscrits al prin an fûr di cors e ven corispuindude la borse di studi di impuart smiezât.



Tal câs che l'ISEE pes prestazions agevoladis pal dirit al studi universitari riferît al student al sedi plui alt dai 2/3 (o ben € 16.223,41) e fin al impuart massim dal limit ISEE pes prestazions agevoladis pal dirit al studi universitari, l'impuart de borse di studi al ven ridusût in maniere graduâl fin ae metât dal impuart massim de borse di studi.

Ca sot si ripartin lis tabelis pe definizion dal impuart de borse di studi:

Nivel ISEE	Student fûr di sede	Student pendolâr	Student in sede
Plui bas dal 50% dal limit massim di riferiment ( $\leq$ € 12.167,55)	€ 7.081,40 (115%)	€ 4.138,29 (115%)	€ 2.854,01 (115%)
Tra il 50% e i 2/3 dal limit massim di riferiment (€ 12.167,55 $<x \leq$ € 16.223,41)	€ 6.157,74 (100%)	€ 3.598,51 (100%)	€ 2.481,75 (100%)
Plui dai 2/3 dal limit massim di riferiment ( $>$ € 16.223,41)	Ridusude in maniere graduâl fin a metât (minim € 3.078,87)	Ridusude in maniere graduâl fin a metât (minim € 1.799,26)	Ridusude in maniere graduâl fin a metât (minim € 1.240,88)

L'impuart de borse di studi al cjape dentri la fruizion dai servizis di mense e di lozament intes formis indicadis ca sot.

Par ducj i students iscrits ai agns dopo dal prin, la borse di studi e consist inte erogazion di un impuart in bêçs e inte assegnazion di pascj mensîl gratuits par dut l'an solâr dopo di chel di presentazion de domande, tes mensis o li che a son servizis convenzionâts cui Ents, cuantificâts intun impuart complessîf di € 400,00 che a corispuindin a un past zornalîr su base anuâl, garantîts dal lunis al vinars.

La gratuitât dal servizi mense e partîs dal prin di Zenâr dal 2023, fin ai 31 di Dicembar dal 2023.

Ai students laureants (semestri seguitîf) e ai students iscrits al prin an fûr di cors che ur ven erogade une borse di studi di impuart smiezât, al ven stratignût l'impuart di **€ 200,00** pe fruizion dal servizi ristorazion, che a corispuindin a un past zornalîr, garantît dal lunis al vinars. Par chescj students, la gratuitât dal servizi mense e je fin ai 30 di Jugn dal 2023, e dut câs no di là de date di otigniment dal titul.

Eventuâl pascj no consumâts no saran rimborsâts.

Par ducj i students beneficiaris di borse di studi che a sedin ancje assegnataris dal lozament, l'impuart de borse di studi al è ridusût in maniere **forfetarie** par un impuart di **€ 1.500,00** pal servizi abitatîf usufruît par un massim di undis mêis fin ai 31 di Lui dal 2023.

Pai students assegnataris dal lozament che si laurein dentri dal Dicembar dal 2022 al ven detrat l'impuart **forfetari di € 500,00** pal servizi abitatîf.

Pai students assegnataris dal lozament che si laurein tacant dal Zenâr dal 2023 e dentri dal Avrîl dal 2023 al ven detrat l'impuart **forfetari di € 1.000,00** pal servizi abitatîf.

**La borse di studi e je francje de Impueste sui redits, tant che previodût dal articulo 4 de Leç dai 13**

**di Avost dal 1984, n. 476 “Norme in materie di borsis di studi e dotorât di ricercje intes Universitâts”.**

## **Risiervis di assegnazion (art. 19)**

Il numar des borsis di studi che a saran dadis fûr si fissarà su la fonde des jentradis che a vegnin de tasse regionâl pal drit al studi universitari, daûr dal art. 37 de LR dai 14 di Novembar dal 2014, n. 21; des jentradis che a vegnin dal Fonds di Intervent Integratîf daûr dal art. 18, Cjapitul IV dal decret legislatîf dai 29 di Març dal 2012 n. 68; des jentradis che a vegnin dal Fonds di Intervent Integratîf Regionâl e de disponibilitât di fonds propriis dal belanç de ARDiS.

Tacant dal an academic 2022/2023, lis borsis di studi e i contribûts di mobilitât a son finanziâts, intal ambit dal PNRR, de Union europeane – Next Generation EU.

Lis risorsis disponibilis pes borsis di studi si assegnaran lant daûr di chestis risiervis di assegnazion:

- 2% ai students cun disabilitâts cun percentuâl di invaliditât dal 66% insù;
- 6% des borsis di studi disponibilis pai students no comunitaris.

Dopo des risiervis segnadis chi parsore, si completarà la assegnazion a ducj i students comunitaris e no comunitaris jentrâts intes graduatoriis dai agns dopo dal prin.

Po dopo si larà indenant fin da pît de graduatorie dai students comunitaris iscrits al prin an, e dopo inmò cu la graduatorie dai students no comunitaris iscrits al prin an di cors.

Tal câs che lis risorsis finanziariis no sedin avonde par cuvierzi in maniere complete lis graduatoriis, lis risorsis si assegnaran in proporzion al numar dai students idonis che a fasin riferiment a ogni sede operative de ARDiS.

## **Paiaments (art. 22)**

La borse di studi e ven erogade cun increditament suntun cont corint talian (IBAN IT) o suntun propri cont forest (CODIÇ IDENTIFICATÎF DAL CONT) intestât o cointestât al student, o cun cjarte prepaiade dotade di IBAN IT intestade o cointestade al student.

I students a àn di inserî lis coordenadis bancjariis tal moment de compilazion de domande online e a podaran dopo integrâlis o cambiâlis midiant dai servizis online di ARDIS. Se si à un cont forest, si à di inserî, di là dal codiç identificatîf dal cont, ancje il codiç BIC/SWIFT, la denominazion dal istitût bancjari e ancje il Stât di chê stesse.

### **➤ Students iscrits a agns dopo dal prin**

La cuote monetarie de borse di studi e je erogade, inte misure dovude, in cheste maniere:

- prime rate che e corispuint al 50% dal impuart net de borse: ai 31 di Dicembar dal 2022, baste che la iscrizion e sedi perfezionade dentri dal tiermin fissât pe presentazion des istancis di riesam pe borse di studi;
- seconde rate: ai 30 di Jugn dal 2023.

### ➤ **Students laureants**

Ai students dal ultin an di cors, cu la qualifiche di regolâr, che a vuelin sostignî l'esam gjenerâl di lauree dentri dal ultin apel previodût pal a.a. 2021/2022, la borse di studi e ven erogade intune uniche soluzion dentri dal Jugn dal 2023, dome dopo verificât che al è stât otignût il titul.

Pai students assegnataris dal lozament che si laurein dentri dal Dicembar dal 2022, l'impuart **forfetari** pal servizi abitatîf, cuantificât in **€ 500,00**, al ven stratignût dal impuart de borse di studi.

Pai students assegnataris dal lozament che si laurein tacant dal Zenâr dal 2023 e dentri dal Avrîl dal 2023, l'impuart **forfetari** pal servizi abitatîf, cuantificât in **€ 1.000,00**, al ven stratignût dal impuart de borse di studi.

Dal impuart de borse di studi e ven cun di plui stratignude la cuote riferide al servizi di ristorazion, cemût che al è specificât tal articul 16 di chest bant. Si precise che cheste stratignude no si apliche ai students che si laurein dentri dal Dicembar dal 2022.

### ➤ **Students iscritti al prin an**

La cuote monetarie de borse di studi e je erogade, inte misure dovude, in cheste maniere:

- prime rate che e corispuint al 50% dal impuart net de borse: ai 31 di Dicembar dal 2022, se la iscrizion e je stade perfezionade dentri dal tiermin fissât pe presentazion des istancis di riesam pe borse di studi;
- seconde rate: erogade al otigniment di almancul 20 credits, registrâts in maniere regolâr sul sisteme Esse3, o intes basis di dâts dai Conservatoris e de Academie (o sedi almancul 10 credits pai cors cun esams dome anuâi) cun date di superament no dopo dai 10 di Avost dal 2023, e dopo de comunicazion ae ARDIS cuntun messaç di pueste eletroniche a [info.trieste@ardis.fvg.it](mailto:info.trieste@ardis.fvg.it) o [info.udine@ardis.fvg.it](mailto:info.udine@ardis.fvg.it)

**Tal câs che i credits a sedin otignûts dopo dai 10 di Avost dal 2023 e dentri dai 30 di Novembar dal 2023, il student al manten la prime rate de borse di studi za vude ma nol varà la seconde rate, fale tal câs di students assegnataris di lozament, che par chei si proviôt ancje ae rideterminazion de**

**prime rate de borse di studi che e pues compuartâ la restituzion di ce che al è za stât erogât sot forme di servizi di lozament.**

**No otignî i credits previodûts dentri dai 30 di Novembar dal 2023 al compuarte la revoche de borse di studi e di chei altris beneficis in bêçs za erogâts (art. 24).**

## **Revoche (art. 24)**

La borse di studi e je revocade ai students che ur sedi stât erogât il benefici in bêçs o in servizis, che si cjatin intune di chestis casistichis:

- iscritti pe prime volte al prin an dai cors di lauree trienâl, di lauree magjistrâl, di lauree magjistrâl a cicli unic, dai Conservatoris e de Academie che dentri dai 30 di Novembar dal 2023 no vedin otignût almancul 20 credits (o almancul 9 credits se students cun disabilitâts su la fonde dal art. 5);
- iscritti pe prime volte al prin an di cors cun esams dome anuâi che dentri dai 30 di Novembar dal 2023 no vedin otignût almancul 10 credits;
- tal câs che a mancjin i requisîts di iscrizion, merit, anzianitât universitarie, redit e patrimoni, dopo di controis di ufici o di segnalazions rivadis de Universitât o di altris Aministrazions Publichis;
- che a vedin declarât il fals o esibît documents fals o che a contegnin dâts fals;
- tal câs che a vedin otignût il ricognossiment de dople iscrizion dal articul 24, pont 3, la borse di studi e la eventuâl incressite a son revocâts intal câs che il student al pierdi lis carateristichis di chest bant, cun riferiment al cors di studi che e fâs riferiment la domande de borse di studi;
- che a risultin vê une anzianitât universitarie plui grande dal periodi di amissibilitât ai beneficis;
- che a vedin un titul di studi di nivel compagn o superiôr, ancje se otignût tal forest;
- che si trasferissin a une altre sede universitarie o che a rinunziin ai studis pal a.a. 2022/2023 prime dal prin di Lui dal 2023.

A chescj students ur è revocât ogni benefici e a vegnin recuperadis lis sumis cjapadis in maniere no dovude o il cost dal servizi di lozament che a àn vût tant che benefici in maniere improprie, cemût che al è segnât inte tabelle riepilogative dal articul 16.

Intal câs che la revoche de borse di studi e sedi stade determinade de mancjance des carateristichis dopo dai controis fats di ARDIS e/o di segnalazions rivadis de Universitât o di altris Aministrazions Publichis, o che i students a vedin declarât il fals o esibît documents che a contegnin dâts fals, il servizi di lozament al ven calculât cu la tarife indicade tal articul 37 pal periodi di assegnazion.

I students dal prin an, assegnataris di lozament, che la borse di studi ur ven revocade par vie che no àn otignût il requisît di merit, a àn di corispuindi pal periodi di permanence inte Cjase dal Student lis retis previodudis dal articul 35 pai students assegnataris, o il cost dal servizi di lozament cemût che al è segnât inte tabelle riepilogative dal articul 16, se a àn lozât li par dut l'an academic.

Ai students che si trasferissin intune altre sede universitarie o che a rinunziin ai studis pal a.a. 2022/2023

prime dal prin di Lui dal 2023, il servizi di lozament al ven calculât cu la tarife indicade tal articul 35 pal periodi di assegnazion.

Ai students che si cjataran in cualchidune des pozions ripuartadis parsore, ARDIS ur comunicarà l'inviamet dal procediment di revoche de borse di studi. Denti di 10 dîs de comunicazion, i students a podaran fâ rivâ a ARDIS, ae direzion [ardis@certregione.fvg.it](mailto:ardis@certregione.fvg.it) o cun racomandade A/R di indreçâ a cheste Aministrazion, eventuâls cuintrideduzions. Passât dibant chest tiermin, ARDIS e mandarà al interessât il proviodiment di revoche, domandant la restituzion de sume cjapade, denti di 30 dîs dal riceviment de comunicazion.

Il student al pues tal câs domandâ la restituzion rateizade dal impuart dovût, daûr des modalitâts fissadis dal articul 38 bis de LR 21/2014.

Intal câs che la restituzion no sedi fate intai tiermins, ARDIS e procêt a recuperâ i credits daûr des modalitâts definidis de normative statâl in vore in materie di riscossion des impuestis diretis, tant che previodût dal art. 50 de LR 7/2000.

## **LOZAMENTS:**

- **Scjadince domande agns seguitîfs: AES 13.00 DAL PRIN DI AVOST DAL 2022**
- **Scjadince presentazion domandis matriculis comunitariis e no comunitariis: AES 13.00 DAI 30 DI AVOST DAL 2022**

### **Lozaments a concors pe sede di Triest (26.1)**

Tignint cont de situazion sanitarie, a vegnin metûts a disposizion puescj jet in stanziis singulis o doplis, tal rispjet dal distanziament di un metri tra i doi jets.

Su la fonde di chest, i lozaments disponibii a son duncje rideterminâts in 494, dividûts in cheste maniere:

- 448 puescj intes Cjasis dal Student di Triest (52 intal edifici E1, 179 intal edifici E3, 121 intal edifici E4 e 96 intal edifici di vie Gaspare Gozzi);
- 41 puescj inte Cjase dal Student di Gurize (Palaç De Bassa);
- 5 puescj inte Cjase dal Student di Pordenon.

**ATENZION Si precise che no presentâsi la dì de assegnazion cence justificazion dentri de stesse dì, o pûr no presentâ il modul di amission posticipade dentri dai tiermins indicâts, al compuarte la rinunzie automatiche e irevocabile al benefici.**

In considerazion de rideterminazion dal numar di puecj tal comprensori di Triest, par vie de ricalificazion di cualchi spazi inte cjase E3 e de costruzion di cusinis inte cjase E4, ARDIS e eroghe un contribût sostitutîf di € 1.200,00 anuâi, a pro di n. 70 students.

Finidis lis assegnazions dai puecj e i eventuâi recupars di nominatîfs par vie de rinunzie o de mancjade presentazion la dì de assegnazion, e ven publicade une altre graduatorie cu la indicazion dai students che no ur è stât ufiert un lozament e che a son duncje destinatariis dal contribût sostitutîf di € 1.200,00.

### **Lozaments li di privâts cun contrat di locazion o in struturis convituâls**

**Par otignî lis agjevolazions segnadis parsore, il student beneficiari dal contribût al è tignût a fâ, dentri dai tiermins, la comunicazion previodude dal articol 15.3 pe assegnazion de cualifiche di "fûr di sede".**

Ai students che ur è stade ricognossude la cualifiche di fûr di sede che a àn stipulât un contrat di locazion su la fonde de L. 431/1998 di un lozament o in struturis convituâls di almancul 10 mês, dongje de sede de universitât, ur ven erogât un contribût di € 1.200,00.

## **Lozaments a concors pe sede di Udin (26.2)**

Tignint cont de situazion sanitarie, a vegnin metûts a disposizion puecj jet in stanziis singulis o doplis, tal rispjet dal distanziament di un metri tra i doi jets.

Su la fonde di chest, i lozaments disponibii a son duncje rideterminâts in 509, dividûts in cheste maniere:

- 260 puecj inte Cjase dal Student di Udin, viâl Ongjarie; stant che la residence no je disponibile par vie di lavôrs di ristrutturazion edilizie, si doprin formis contributivis a pro dai students che a cjapin lozament in struturis convituâls o li di privâts cun contrat di locazion su la fonde de L. 431/1998 a titul onerôs (viôt art. 26.2.1);
- 93 puecj inte Gnove Cjase dal Student di Udin, Pôl sientific dai Riçs;
- 40 puecj te Cjase dal Student di Gurize (Palaç De Bassa);
- 54 puecj te Cjase dal Student di Pordenon;
- 62 puecj te Cjase dal Student di Glemone.

Stant che la Cjase dal Student no je disponibile par vie di lavôrs di ristrutturazion edilizie, pai puecj segnâts parsore si proviôt cun formis contributivis a pro dai students che a ledin a stâ in struturis convituâls o li di privâts cun contrat di locazion a titul onerôs su la fonde de L. 431/1998, di almancul 10 mês, li che e je la sede universitaria, cuntun contribût anuâl di € 1.200,00.

Il student idone al lozament al è distint za inte graduatorie definitive cu la didascalie “beneficiari dal contribût” e al pues sielzi tra il lozament in strutture convituâl o la stipulazion di un contrat di locazion li di privâts.

Su la fonde di ce che al è scrit ca parsore, si precise che il contribût pal lozament al è une forme sostitutive ae indisponibilitât di puescj te Cjase dal Student di viâl Ongjarie. A 'nt pues beneficiâ dome il student che te graduatorie definitive al à segnade la didascalie “beneficiari di contribût” a front de domande di puest di lozament.

### **Requisît specific (art. 27)**

In plui dai requisîts di iscrizion, merit, redit e patrimoni fissâts intes normis gjenerâls, i students che a vuelin domandâ di lozâ tes Cjasis dal Student de ARDISS **a àn di jessi a stâ intun dai comuns considerâts tant che fûr di sede in relacion ae sede dal propri cors di studis**, daûr di ce che al è fissât intal articul 15 di chest bant e inte zonte 1.

I students cun disabilitâts a puedin dut câs fâ domande di un lozament, ma no àn di jessi residents intal comun sede dal cors di studis.

### **GRADUATORIE (art. 30)**

La graduatorie provisorie dai lozaments pai students iscritti **AI AGNS DOPO** e sarâ publicade sul sît [www.ardis.fvg.it](http://www.ardis.fvg.it) **in maniere indicative dentri dai 10 di Avost dal 2022**.

A vignaran prontadis, par ogni sede universitarie e in ordin decessint di ponts, chestis graduatoriis:

- pai students comunitaris iscritti ai agns dopo dal prin di dutis lis areis/pôis didatics competents, cjapâts dentri i students iscritti al Conservatori e ae Academie di Bielis Arts (pe sede di Udin);
- pai students iscritti ai cors di specializazion, gjavant chei de aree mediche dal decret legjislatîf n. 368/1999;
- pai students iscritti ai cors di dottorât che no beneficiin de borse di studi su la fonde dal DM dai 30 di Avrîl dal 1999, n. 224;
- pai students cun disabilitâts.

**I students che a presentin domande tant che iscritti a agns dopo dal semestri seguitîf, tal câs che a otegnin il titul dentri de session straordinaria dal a.a. 2021/2022 e che si notin in maniere seguitive al prin an de laurea magjistrâl pal a.a. 2022/2023, dentri dai tiermins fissâts de Universitât e dal Conservatori, a otnaran in ogni câs il puest di lozament dome fin al otniment dal titul trienâl.**

Par ce che al tocje eventuâls istancis di riesam, si rimande al articul 9 di chest bant.

La graduatorie provisorie dai lozaments pai students iscritti **AL PRIN AN DI DUCJ I CORS** e sarâ publicade sul sît [www.ardis.fvg.it](http://www.ardis.fvg.it) **in maniere indicative dentri dai 14 di Setembar dal 2022**.

A vignaran prontadis par ogni sede universitarie, in ordin decessint di ponts, chestis graduatoriis:

- pai students comunitaris iscrits pe prime volte al prin an di cors;
- pai students no comunitaris iscrits pe prime volte al prin an di cors;
- pai students cun disabilitâts iscrits pe prime volte al prin an di cors.

Par ce che al tocje eventuâls istancis di riesam, si rimande al articul 9 di chest bant.

## **AMMISSIONS (art. 31)**

**Il calendari des amissions al previôt une serie di zornadis dulà che i students a saran convocâts de ARDiS intes Residencis là che ur è stât assegnat il puest. Il calendari al sarà publicât tal fassicul electronic dal student.**

I students beneficiaris dal lozament inte graduatorie definitive a varan di presentâsi tes Cjasis dal Student li che ur è stât assegnât il puest intes zornadis indicadis pe amission, puartant cun se cheste documentazion:

- la fotocopie di un **document di ricognossiment** valit che si puedi lei ben (acompagnade dal document in originâl);
- il student no comunitari al varà di presentâsi cul **passepuart**;
- **une foto tessare.**

**Tal moment de amission, il student al firme l'at di acetazion dal lozament furnît de ARDiS.**

I students assegnataris di un lozament pal a.a. 2022/2023, tal câs di assegnazion cul modul di amission posticipade, a àn di presentâsi, fûr che tai câs di fuarce maiôr, li de portinarie de Cjase dal Student di assegnazion dentri di un mêse de date di amission fissade par sotscrivi l'at di acetazion dal lozament e la documentazion relative, se no a pierdaran il drit al benefici. Lis situazions di impediment a àn di jessi comunicadis daurman aes caselis [alloggi.trieste@ardis.fvg.it](mailto:alloggi.trieste@ardis.fvg.it) o [alloggi.udine@ardis.fvg.it](mailto:alloggi.udine@ardis.fvg.it) daûr de sede ARDiS di riferiment.

Tal câs di amission posticipade inte Cjase dai Students dai Riçs, il student al varà di conuardâ cui uficis de ARDiS la zornade di jentrade daûr des esigjencis dai stes uficis.

Il student al è assegnatari dal lozament pal a.a. 2022/2023 de date di amission fissade in chest bant fin ai 31 di Lui dal 2023 (al à di saltâ fûr dal lozament dentri des 9.00 dal prin di Avost dal 2023).

I students assegnataris di lozament a àn l'oblic di lâ daûr des normis dal Regolamento unic pe fruizion dal servizi abitatîf tes cjasis dal student e di chel cun criteris e modalitâts pal ûs, temporani e ocasionâl, des salis e di chei altris spazis comuns presints intes residencis: ducj i doi si puedin consultâ sul sît [www.ardis.fvg.it](http://www.ardis.fvg.it)



I students che tal moment de amission a vedin un debit cun ARDIS par retis di lozament o impuarts di tornâ, a son sospindûts dal benefici fin che no regolarizin lis pendencis amministrativis cun ARDIS, fûr che tal câs che a sedin daûr a proviodi ae restituzion rateizade.

## **Retis pal lozament (art. 35)**

**Se i students assegnataris dal lozament a son ancje assegnataris de borse di studi, l'impuart de borse di studi al è ridusût in maniere forfaitarie par une sume di € 1.500,00 pal servizi abitatîf usufruît par un massim di 11 mêis fin ai 31 di Lui dal 2023.**

Pai students assegnataris dal puest che si laurein dentri dal Dicembar dal 2022 al ven detrat pal servizi abitatîf l'impuart forfaitari di € 500,00.

Pai students assegnataris dal puest che si laurein tacant dal Zenâr dal 2023 e dentri dal Avrîl dal 2023, al ven detrat pal servizi abitatîf l'impuart forfaitari di € 1.000,00.

Pai students beneficiaris dal puest ma no di borse di studi pal an academic 2022/2023, si aplicin lis tarifis agjevoladis ca sot:

Cjase dal student

TARIFE MENSÎL	
stanze singule	stanze dople
€ 159,00	€ 136,00

La rete pal lozament e je mensîl e no determinade su base zornaliere. I students che a cjapin possès dal lozament inte seconde metât dal mêis a corispuindin metât impuart de rete mensîl.

I students che pûr vint presentade domande tant che matriculis di lauree magjistrâl, che di fat no si notin intal cors di lauree magjistrâl pal a.a. 2022/2023 e che no son in possès ai 10 di Avost dal 2022 dal recuisît di merit tant che semestri seguitîf, a decjadin dal benefici dal lozament e a àn di corispuindi par dut il timp de lôr permanence inte Cjase dal Student la rete previodude pai students cun dome il recuisît di iscrizion (v. art. 37.3).

Intal câs di revoche de borse di studi, ARDIS e pues in câs consintî la permanence tes Cjasis dal Student daûr des modalitâts previodudis pai students cun dome il recuisît di iscrizion.

## **Revoche e decjadence dal lozament (art. 36)**

Il benefici dal lozament al ven revocât ai students assegnataris intai câs previodûts dal Regolament unic pe fruizion dal servizi abitatîf tes cjasis dal student, di podê consultâ sul sît ARDIS.

Tra i câs frequents a son:

- mancjât paiament di 3 retis di lozament, ancje no consecutivis;
- mancjance dai requisîts previodûts di iscrizion, merit, anzianitât universitarie, redit e patrimoni, dopo di controis fats de ARDIS o di segnalazions rivadis de Universitât o di altris Aministrazions Publichis;
- presentazion di declarazions falsis o esibizion di documents che a contegnin dâts fals;
- students che si trasferissin intune altre sede universitarie o che a rinunziin ai studis pal a.a. 2022/2023 prime dal prin di Lui dal 2023.

La revoche dal lozament determinade de mancjance di requisîts previodûts di chest bant e compuarte la domande di paiament des retis cu la tarife previodude pai students cun dome il requisît di iscrizion. I students dal prin an, assegnataris di lozament, che la borse di studi ur ven revocade par no vê otignût la carateristiche di merit, a àn di corrispuindi pal timp di permanence inte Cjase dal Student lis retis previodudis dal articul 35 o il cost dal servizi di lozament tant che segnât inte tabelle riepilogative dal articul 16, se assegnataris par dut l'an academic.

Ai students che si trasferissin intune altre sede universitarie o che a rinunziin ai studis pal a.a. 2022/2023 prime dal prin di Lui dal 2023, il servizi di lozament al ven calculât cu la tarife indicade tal articul 35 pal periodi di assegnazion.

L'assegnatari al decjât dal benefici dal lozament intai câs previodûts dal articul 11 di chest bant e dal Regolament unic pe fruizion dal servizi abitatîf tes cjasis dal student.

## **CONTRIBÛTS PAL LOZAMENT PES SEDIS DI PUART, BOLZAN, VERONE E CONEAN – SCJADINCE: AI 28 DI SETEMBAR DAL 2022**

### **Tiermin e modalitât di presentazion de domande (art. 38)**

Lis domandis di contribût pal lozament a àn di rivâ ae ARDIS dentri des 13.00 (ore estive taliane/GMT+2/UTC+2/CEST) dai 28 di Setembar dal 2022, cu lis modalitâts previodudis dal articul 6 di chest bant.

### **Contribûts a concors (art. 39)**

Pai students iscrits a cors di studi cun sede a Puart, Bolzan, Verone e Conean, dulà che ARDIS no gjestis in maniere direte une residence universitarie, ARDIS e eroghe un contribût anuâl di € 1.200,00, a front di un contrat di locazion a titul onerôs registrât in maniere regolâr. A vegin metûts a concors 10 contribûts par ogni sede di studis.

### **Requisîts specifics (art. 40)**

Di là di vê i requisîts di iscrizion, merit, redit e patrimoni fissâts intes normis gjenerâls, i students che a domandin i contribûts pal lozament a scuegnin par fuarce vê lis carateristichis specifichis ca sot:

- a àn di jessi iscrits pal a.a. 2022/2023 a cors di lauree de Universitât dai Studis di Triest cun sede a Puart, o a cors di lauree de Universitât dal Friûl cun sede a Conean, Bolzan e Verone;
- a àn di jessi residents intun dai comuns calculâts fûr di sede, in relacion ae sede dal propri cors di studis, daûr di ce che al è fissât intal articul 15.3 di chest bant e inte zonte 1; pes sedis di Bolzan e Verone, i students che a fasin domande a àn di jessi residents intun dai comuns che a son lontans almancul 50 km di chês citâts;
- a àn di usufruî di un lozament a titul onerôs a front di un contrat di locazion, daûr di ce che al è fissât tal articul 15.3 di chest bant.

I students a àn di declarâ l'ûs efetîf dal lozament a titul onerôs par almancul 10 mêis (contâts intal periodi cjapât drenti tra il prin di Setembar dal 2022 e i 31 di Avost dal 2023) dongje de sede universitarie (vâl a dî i comuns calculâts di sede, in relacion ae sede dal cors), indicant online i dâts dal contrat di locazion (la durade, la scjadince, il canul e i estremis di registrazion dal contrat).

I students che a àn in vore un contrat cun scjadince prime di ce che al è fissât, e che a vuelin rinovâlu o stipulânt un gnûf, a son dut cûs calculâts idoneis al contribût, ma a scuegnin par fuarce comunicâ ae ARDIS (inviand un messaç di pueste eletroniche ae direzion [info.trieste@ardis.fvg.it](mailto:info.trieste@ardis.fvg.it) o [info.udine@ardis.fvg.it](mailto:info.udine@ardis.fvg.it)) i dâts dal rinovament dal contrat che al è stât fat o dal gnûf contrat stipulât che ur permeti di rivâ ae durade dai 10 mêis di lozament a titul onerôs.

Il canul mensîl dovût dal student, al net des spesis pes utencis, nol pues jessi mancul di € 120,00.

Si precise che l'inseriment inte domande online di un contrat di locazion cun scjadince prime dai 18 di Otubar dal 2022 nol permet l'inseriment in graduatorie tant che idonei al contribût.

I students che, tal moment de compilazion de domande online no vedin declarât di vê cjapât possès di un lozament a titul onerôs, a son tignûts a declarâ online in maniere seguitive inte sezion di pueste "Dâts dal contrat di locazion", e dut cûs drenti des 13.00 dai 18 di Otubar dal 2022, l'ûs dal lozament a titul onerôs par almancul 10 mêis, scrivint la direzion dal lozament stes, logât dongje de sede universitarie, il canul di locazion mensîl corispuindût, la durade dal contrat, la scjadince e i estremis di registrazion di chel stes.

**Ai students iscrits ai agns dopo**, il contribût pal lozament al ven erogât **denti di doi mêis de publicazion de graduatorie definitive**.

Ai students, **iscrits al prin an di ducj i cors**, il contribût pal lozament al ven erogât dome **tal moment che a otegnin almancul 20 credits (o almancul 10 credits pai cors cun dome esams anuâi)** e dopo de segnalazion ae ARDIS, cun chestis modalitâts:

- a cui che al oten i credits domandâts **denti dai 10 di Avost** dal 2023, i ven erogât **dut l'impuart dal contribût**;

- a cui che al oten i credits demandâts dopo dai 10 di Avost dal 2023, ma dut câs **dentri dai 30 di Novembar dal 2023, l'impuart dal contribût i ven dismiezât e al varà il 50% dal impuart.**

## **CONTRIBÛTS PE MOBILITÂT INTERNAZIONÂL – SCJADINCE AI 6 DI AVRÎL DAL 2023**

### **Tiermin e modalitâts di presentazion de domande (art.44)**

Lis domandis di contribût pe mobilitât internazionâl a puedin jessi compiladis dome dai students idonis o beneficiaris de borse di studi pal a.a. 2022/2023 dal prin di Març dal 2023 ai 6 di Avrîl dal 2023, dentri des 13.00 (ore estive taliane/GMT+2/UTC+2/CEST), cu lis modalitâts previodudis dal articul 6 di chest bant.

### **Contribûts a concors (art. 45)**

I contribûts pe mobilitât internazionâl a son riservâts ai students idonis o beneficiaris di borse di studi pal a.a. 2022/2023 che a partecipin pal stes an academic a periodis di studi e di tirocini tal forest, za finanziâts e promovûts de Universitât dai Studis di Triest, de Universitât dal Friûl, dal Conservatori di Musiche “G. Tartini” di Triest, dal Conservatori di Musiche “J. Tomadini” di Udin e de Academie di Bielis Arts “G. B. Tiepolo” di Udin, sedi intal ambit di programs promovûts de Union Europeane che di programs ancje no comunitaris (convenziions bilaterâls), baste che il periodi di studi e/o di tirocini al vedi un ricognossiment academic in tiermins di credits, intal ambit dal propri cors di studis in Italie, ancje se pes finalitâts de predisposizion de prove conclusive.

Il contribût pe mobilitât internazionâl al è di € 600,00 su base mensîl pe durade dal periodi di permanence tal forest, fin a un massim di dîs mês, nol impuarte cuâl che al sedi il paîs di destinazione, e al pues jessi concedût par une sole volte par ogni cors di istruzion superiôr.

Dal impuart dal contribût di mobilitât, di € 600,00 su base mensîl, al ven gjavât il totâl de borse concedude peade ai fonts des Universitâts, dai Conservatoris e de Academie di Bielis Arts, de Union Europeane o di altri acuardi bilaterâl ancje no comunitari.

A vegnin rimborsadis lis spesis di viaç par lâ e tornâ fin al impuart di € 100,00 pai paîs europeans e fin al impuart di € 500,00 pai paîs extraeuropeans, intal câs che il rimbors relatîf nol sedi za previodût de Universitât o dal Conservatori, dopo vê cjariâts i justificatîfs cu la procedure online.

Il timp di permanence tal forest al ven verificât cu lis Istituzions segnadis parsore e par ogni mê s intîr di permanence, calculât in maniere convenzionâl in 30 dîs, al ven erogât il contribût mensîl intîr, intant che par periodis di mancûl di un mê s il contribût al sarâ corispondent ai dîs di permanence efetive tal forest. Nol ven erogât nissun contribût pai periodis di mobilitât fats in modalitât online de Italie a titul di programs di studi o di tirocini promovûts de Universitât dai Studis di Triest, de Universitât dal Friûl, dal Conservatori di Musiche "G. Tartini" di Triest, dal Conservatori di Musiche "J. Tomadini" di Udin, de Academie di Bielis Arts "G. B. Tiepolo" di Udin.

## **Requisîts specifics (art. 46)**

Di là di vê i requisîts di iscrizion, merit, redit e patrimoni fissâts intes normis gjenerâls, i students che a vuelin domandâ i contribûts pe mobilitât internazionâl a scuegnin:

- partecipâ in maniere esclusive intal a.a. 2022/2023 a periodis di studi o di tirocini tal forest promovûts de Universitât dai Studis di Triest, de Universitât dal Friûl, dal Conservatori di Musiche "G. Tartini" di Triest, dal Conservatori di Musiche "J. Tomadini" di Udin, de Academie di Bielis Arts "G. B. Tiepolo" di Udin pe partecipazion a programs di mobilitât internazionâl, sedi intal ambit di programs promovûts de Union Europeane, che di programs ancje no comunitaris (convenziions bilaterâls);
- jessi beneficiaris de borse di studi di chest bant intal a.a. 2022/2023;
- il periodi di studi o di tirocini in ogjet al à di vê un ricognossiment academic in tiermins di credits intal ambit dal propri cors di studis in Italie.

I students a àn di declarâ inte domande online di jessi assegnataris di borse di studi di mobilitât internazionâl o di tirocini tal forest pal a.a. 2022/2023, e il periodi di permanence tal forest determinât al at de assegnazion de bande de Universitât, dal Conservatori o de Academie; a scuegnin ancje declarâ di no vê otignût pal stes cors di studi un contribût ARDIS pe mobilitât internazionâl.

Eventuâls comunicaziions sul sprolungjament dal periodi di studi tal forest, se rivadis dopo dal tiermin di presentazion de domande di contribût, a saran cjapadis in considerazion dome se comunicadis dentri dal tiermin fissât pe presentazion des istancis di riesam.

Intal câs che il timp efetîf di permanence tal forest al risulti plui curt di chel declarât tal moment de compilazion de domande, dopo dai controis fats cui Ufiscis di Mobilitât Internazionâl des Istituzions segnadis ca parsore, ARDIS e procêt a rideterminâ l'impuart dal contribût assegnât. Il student al à di tornâ ae ARDIS l'eventuâl impuart percepît in plui.

Ai students iscrits ai agns dopo dal prin, il contribût pe mobilitât internazionâl al ven erogât in dôs ratis cun chestis modalitâts:

- il 50% dal impuart dentri di 60 dîs de publicazion de graduatorie definitive, a cundizion che il periodi di mobilitât al sedi za scomençât;
- la part che e reste dal contribût, cul rimbors des spesis di viaç, ae fin efetive dal timp di permanence tal forest, dopo verifiche dal ricognossiment dai credits leâts al periodi di mobilitât.

ARDIS si riserve tal câs la pussibilitât di erogâ il contribût intune uniche soluzion.

Ai students iscrits al prin an dai cors di lauree magjistrâl o dal bieni specialistic, il contribût pe mobilitât internazionâl ur ven erogât dopo vê otignût almancul 20 credits (o almancul 10 credits pai cors cun esams dome anuâi) e dopo de segnalazion ae ARDIS, cun chestis modalitâts:

- a cui che al oten i credits domandâts dentri dai 10 di Avost dal 2023 i ven erogât dut l'impuart dal contribût;
- a cui che al oten i credits domandâts dopo dai 10 di Avost dal 2023, ma dut câs dentri dai 30 di Novembar dal 2023, l'impuart dal contribût i ven dismiezât e al cjaparà il 50% dal impuart.

La comunicazion dal otigniment dai credits necessariis e à di jessi fate dome cu la spedizione di un messaç di pueste eletroniche al sportel de sede ARDIS di riferiment: [info.trieste@ardis.fvg.it](mailto:info.trieste@ardis.fvg.it) o [info.udine@ardis.fvg.it](mailto:info.udine@ardis.fvg.it)

## ZONTIS

### Zonte 1 - Status dai students in sede, pendolâr e fûr di sede

Chestis listis a determinin il status dai students: in sede, pendolâr o fûr di sede.

#### **Students iscritti a cors cun sede a Triest**

##### **IN SEDE:**

Residents a Triest, Mugle, San Dorligo della Valle, Monrupino, Sgonico e Duin-Nabresine

##### **PENDOLÂRS:**

Residents a Monfalcon, Staranzan, Roncjis di Monfalcon, Doberdò, Gardiscje, Segrât, Foian Redipulie, San Pieri dal Teritori, Turiac, Çarvignan, San Ganzian e, di là dai confins talians, chescj comuns: Cjaudistrie, Hrpelje-Kozina, Divača, Isule, Piran, Postumie, San Pieri dal Cjars, Sesane, Vipau e chestis localitâts: Koseze e Podgrad dal Comun di Ilirska Bistrica.

Residents in duçj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o ents.

##### **FÛR SEDE:**

Residents in duçj chei altris comuns che a lozin dongje de sede universitarie, doprant - a paiament - lis struturis residenziâls publichis o altris lozaments di privâts o ents par un periodi di no mancul di 10 mê.

#### **Students iscritti a cors cun sede a Udin**

##### **IN SEDE:**

Residents a Cjampfuarmit, Martignà, Pagnà, Pasion di Prât, Pavie, Paulêt, Puçui, Pradaman, Reane dal Roiâl, Remanzâs, Tavagnà, Udin.

##### **PENDOLÂRS:**

Residents a Dael, Dartigne, Atimis, Bagnarie, Basilian, Bertiûl, Bicinins, Buie, Buri, Caprive, Cjasarse, Cjassà,



Cjasteons di Strade, Çarvignan, Cjopris e Viscon, Cividât, Codroip, Colorêt di Montalban, Cormons, Cosean, Dignan, Faedis, Feagne, Flaiban, Glemone, Gonârs, Gurize, Listize, Magnan, Maian, Manzan, Merêt di Tombe, Muimans, Mortean, Murûs, Mosse, Nimis, Osôf, Palme, Porpêt, Premariâs, Rivis Darcjan, San Denêl, San Zorç di Noiâr, San Zuan dal Nadison, Sante Marie La Lungje, San Vît de Tor, San Vît di Feagne, Sedean, Talmassons, Tarcint, Torean, Tor di Zuin, Trep Grant, Tresesin, Trivignan, Visc.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

#### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mê.

### **Students iscritti a cors cun sede a Gurize**

#### **IN SEDE:**

Residents a Fare, Gurize, Mosse, San Florean dal Cuei, Savogne dal Lusing e, fûr dai confins talians, Nova Gorica.

#### **PENDOLÂRS:**

Residents a Buri, Caprive, Cormons, Doberdò, Duin-Nabresine, Foian Redipulie, Gardiscje, Manzan, Marian, Migjee, Monfalcon, Morâr, Romans dal Lusing, Roncjis di Monfalcon, Segrât, San Ganzian, San Zuan dal Nadison, San Luring dal Lusing, San Pieri dal Teritori, Staranzan, Turiac, Udin, Vilès.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

#### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no plui di 10 mê.

### **Students iscritti a cors cun sede a Pordenon**

#### **IN SEDE:**

Residents a Daçan, Cordenons, Vile di Flum, Fontanefrede, Pasian di Pordenon, Purcie, Pordenon, Prate, Lavorêt, San Quarin, Çopule.

#### **PENDOLÂRS:**

Residents a Darbe, Davian, Brugnera, Budoie, Cjanive, Cjasarse, Cjons, Codroip, Conean, Cordovât, Godega di Sant'Urbano, Manià, Montreâl, Orsago, Polcenic, Preusdomini, Sacîl, San Zorç de Richinvelde,

San Martin dal Tiliment, San Vît dal Tiliment, Secuals, Siest, Spilimberc, Susegana, Vaiont, Voleson Darzin, Vivâr.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

#### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mê.

### **Students iscritti a cors cun sede a Glemone**

#### **IN SEDE:**

Residents a Dartigne, Bordan, Buie, Glemone, Magnan, Montenârs, Osôf, Trasaghis e Vençon.

#### **PENDOLÂRS:**

Residents a Damâr, Atimis, Cjassà, Cjavaç, Scluse, Colorêt di Montalban, Cosean, Dignan, Faedis, Feagne, Forgjarie, Lusevare, Mueç, Nimis, Ruvigne, Reane dal Roiâl, Resie, Resiute, Ravis Darcjan, San Denêl, San Vît di Feagne, Tarcint, Tavagnà, Tumieç, Trep Grant, Tresesin, Udin, Verzegnis.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

#### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par no mancul di 10 mê.

### **Students iscritti a cors cun sede a Puart**

#### **IN SEDE:**

Residents a Puart, Cint, Gruâr, Tei, Pramaiôr, Danon, Fossalte, San Michêl dal Tiliment, San Stino di Livenza, Concuardie, Cjaurlis.

#### **PENDOLÂRS:**

Residents a Eraclea, Torre di Mosto, Ceggia, Salgareda, Ponte di Piave, Cessalto, Chiarano, Oderzo, Motta di Livenza, Mansuè, Ormelle, Meduna di Livenza, Preusdomini, Cjons, Siest, Cordovât, Morsan da lis Ocjis, Vildivar, Tisane, Lignan, Palaçûl, Prissinins, Rivignan Teôr.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

#### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par no mancul di 10 mê.

## **Students iscrits a cors cun sede a Conean**

### **IN SEDE:**

Residents a Codognè, Colle Umberto, Godega di Sant'Urbano, Mareno di Piave, Orsago, San Fior, San Pietro di Feletto, San Vendemiano, Santa Lucia di Piave, Susegana, Tarzo, Vazzola e Vittorio Veneto.

### **PENDOLÂRS:**

Residents a Arcade, Cjanive, Cimadolmo, Cordignano, Fontanelle, Fregona, Gaiarine, Giavera del Montello, Nervesa della Battaglia, Ormelle, Pieve di Soligo, Povegliano, Refrontolo, Revine Lago, San Polo di Piave, Sarmede, Sernaglia della Battaglia, Spresiano.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mê.

## **Zonte 2 – Liste dai Paîs daûr a svilupâsi, su la fonde dal Decret Ministeriâl dai 8 di Avrîl dal 2022 n. 344**

Afghanistan  
Angola  
Bangladesh  
Benin  
Bhutan  
Burkina Faso  
Burundi  
Camboze  
Republiche Centriafricane  
Çad  
Comoris  
Republiche Democratiche Popolâr di Coree  
Republiche Democratiche dal Congo  
Zibuti  
Eritree  
Etiope  
Gambia  
Guinee  
Guinee-Bissau  
Haiti  
Kiribati  
Republiche Democratiche Popolâr dal Laos  
Lesotho  
Liberie  
Madagascar  
Malawi  
Mali  
Mauritanie  
Mozambic  
Myanmar  
Nepal  
Nigjer  
Ruanda  
São Tomé e Príncipe  
Senegal  
Sierra Leone  
Isulis Salomon  
Somalie  
Sudan dal Sud  
Sudan

Republiche Arabe Siriane  
Tanzanie  
Timor Est  
Togo  
Tuvalu  
Uganda  
Yemen  
Zambia

## Contats – Sede di Triest

### Sportel Informazions

Salita Monte Valerio 3, 34127 Triest

**info.trieste@ardis.fvg.it**

Tel: 040 3595205

Fax: 040 3595352

#### Oraris dal sportel telefonic:

dal lunis al vinars des 09.30 aes 12.00

### Altris contats utii

Servizi		Telefon
Borsis di studi		
Contribûts pal lozament		
Contribûts pe mobilitât internazionâl	info.trieste@ardis.fvg.it	040 3595205
Rimbors de tasse regionâl		
Lozaments tal comprensori universitari di Triest e Gurize	alloggi.trieste@ardis.fvg.it	040 3595302/213
Servizi di ristorazion e di erogazion des tessarîs de mense	ristorazione.trieste@ardis.fvg.it	040 3595357/207
Assistence tecniche informatiche	assistenza.informatica@ardis.fvg.it	

## Contats – Sede di Udin

### Sportel Informazions

Viâl Ongjarie 39/b, 33100 Udin

**info.udine@ardis.fvg.it**

Tel: 0432 245772

Fax: 0432 245777

### Oraris dal sportel telefonic:

dal lunis al vinars des 09.30 aes 12.00

### Altris contats utii

Servizi		Telefon
Borsis di studi		
Contribûts pal lozament	info.udine@ardis.fvg.it	0432 245772
Contribûts pe mobilitât internazionâl		
Rimbors de tasse regionâl		
Lozaments a Udin	alloggi.udine@ardis.fvg.it	0432 245714
Lozaments a Pordenon, Gurize e Glemone	alloggi.udine@ardis.fvg.it	0432 245715 0432 245716
Servizi di ristorazion e di erogazion des tessaris de mense	info.udine@ardis.fvg.it	0432 245717
Assistence tecniche informatiche	assistenza.informatica@ardis.fvg.it	